

בשׁוֹת רְהֹהָה אֶל רְעוּת
DISSERTATIO PHILOSOPHICA
TENTAMEN
VINDICARUM
OMNISCIENTIAE
D E I
SISTENS,

Cujus
PARTEM POSTERIOREM,

CONSENSU AMPLISS. SENATUS PHILOSOPH.
in REGIA ad Auram ACADEMIA,

Publico eruditorum examini modeste subjiciunt

AUCTOR

OLAVUS SCHALBERG,

PHILOS. MAGISTER & DOCENS
in FACULTATE PHILOSOPH.

Et
LAURENTIUS ECKMAN,

AUSTRO-FENNO,
IN AUDITORIO MAJORI DIE XX. JUNII
ANNI O. R. MDCLIX.

Horis Ante Meridiem Consuetis.

ABOÆ, Impressit DIRECT. & TYPOGR. Reg. Magn. Duc.
Finland. JACOB MERCKELL.

KONGL. MAJ:TS
Tro-Tjenare och CAPITAINE
Af
Lif-Dragoune-Regementet,
Samt
Riddare af KONGL. Swårds-Orden,

WÅLBORNE HERRE,

HERRE C A R L DIDRON,

Min Högtårade K. MOR-FADER.

WÅlgjärning och Tacksamhet åro i GUD:s
och Månniskjors Ögon täckt Par. Jag bör
derföre ej åtskilja, hwad GUD wil hafwa
sammanfogat, utan dem samma här i bredd stäl-
la. Då jag uti en ålder, som hålft behöfde sina
Kår-egnas hjelp, uti mina K. Föräldrars betryckta
Hus, sakenade Medel, til nödig Underwisning i de
stycken, på hwilka mitt Wål sig borde grunda;
uptog Min Högtårade K. MOR-FADER, rörd af
medfödd Ömhet och förvärfwat Ådelmod, mig
uti

uti Sitt Förmåma Hus. Här fick jag fägna mig,
så väl af en sjef-önskelig Barna-wård, som en
grundelig Underwisning. Sedan jag nu kommit
til mognare eftertanka, har jag börjat eftersinna,
huru oskattbara förmoner mig, utaf Min Högt-
årade K. MOR-FADER, åro tilflutne. Ja, jag fin-
ner, at så stora Wålgjärningar förtjena större Hög-
akning, än största våtalighet kunde utföra. Jag
dristar ej tänka på, mindre omorda en omöjelig
belöning. Det är wist, at jag altid önskat få til-
falle, at å daga lägga min Wördssamma årkjänsla.
När det sig nu åndteligen yppat, fela Ord, som
swara emot de tankar, hwaraf mitt Tacksamma
Bröft är upfylt. Låt fördenskull, Min Högtårade
K. MOR-FADER, hwart Ord i detta mitt Första
Academiska Snille-prof, vara et ojäfaktigt witne,
til min ej mindre djupa, än beständiga Wördnad.
Min Orda-brist, skola mina trogna och trågna
Suckningar årsätta, hwiikas kårta innehåll år, at
Den Högste, alla Wålgjärningars Rika Belöñare,
wårdigas stärka HERR MOR-FARS, af tid och mö-
da, förminskade Själs och Kropps styrka: gjöra E-
der Lifstid lång och nöjsam, samt Eder Ewighet
fäll.

Lefwer med största Högakning,

Min Högtårade K. MOR-FADERS

ödmjukaste Tjenare,
LORENTZ ECKMAN.

Plurimum Reverendo atque Praclarissimo VIRO,
D: NO NICOLA O
H E D E E N,
Pastori in Lætala & Hinnerjoki meritissimo, Pa-
tronoo atque haecenus Nutritio propensissimo.

Plurimum Reverendo atque Praclarissimo VIRO,
D: NO ERICO
W I D E N I O,
Pastori Halicoënsium meritissimo, Fautori, quavis
veneratione ætatem prosequendo.

Quo quis pluribus ab aliquo mactatus est beneficiis, eo majora exhibere debet grati animi specimina; fieri ergo nequit, quin ad ingentia beneficia in me Vesta, oculos convertens, ego, quantum Vobis, Praclarissimi Viri, obstrictus sim, mox animadvertisam. Tot enim Vestra in me non solum, sed paternam quoque domum prostant merita, quot a me nunquam recenserit poterunt. Nihil ergo mihi magis esset in votis, quam ut gratæ mentis, quibus par est signis, agnoscere possem, Vestrum, Evergetæ Optimi, favorem; sed defunct vires, defunct signa. Recipite sa' tem, submissæ oro, ea, qua assueti estis, benignitate, dissertationem hanc, propriū Martis licet non factum, euc pignus gratissimæ erga Vos mentis. Quod denique in me est, faciam, optans, velit summus rerum humanarum arbiter, Vos, Fautores Magni, in annos bene multos salvos & incolores servare, quo in Vobis Christi ecclesia, emolumentum habeat certissimum, & familia Vesta honoratissima, fulcrum gaudiumque exoptatissimum.

NOMINUM VESTRORUM

cultor devotissimus,

LAURENTIUS ECKMAN,

Plurimum Reverendo atque Praeclarissimo VIRO,

D: NO **J A C O B O**
Æ I M E L Æ O,

Pastori Tavastburgensis meritissimo, avunculo ardentissimo pietatis Zelo colendo,

VIRO Consultissimo,

D: NO **A N D R E A E**
Æ I M E L Æ O,

Judici Territoriali VICARIO Equissimo,
Avunculo summa veneracione suspicioendo.

Iniquum fane foret, Avunculi, Plurimum Reverende & Consultissime, nisi oblata hac occasione meam erga Vos pietatem publice testatam redderem. Praterquam enim quod, paterna domui arctissimo consanguinitatis vinculo, Vos, Avunculi Optimi, conjuncti sitis, hanc quoque Vobis, totam pluribus modis reddidistis obstrictam. In me vero praesertim, favoris & benignitatis proflus singularis documenta, existare voluistis plutima, maxima. Hinc nihil mihi gratius esset, quam ut mea, erga Vos, venerabundae mentis, explicare possem, recessus, palamque significare, quantum, Vobis, Avunculi Propensissimi, debeam. At deinceps verba, prohibet charta. En! tamen commentationem hanc, alieno elaboratam, sed meo etiam Marte defensam, instar munusculi Vobis oblamat, quam ut nativa Vestra, i. e. serena adspiciatis fronte, submissæ oro & obtestor. De cetero summum Numen sum veneraturus, dignetur, Vos, Avunculi Carissimi, plures per annos perpetua cumulate felicitate, in ecclæsiæ Christi & Reipublicæ emolumentum, Vestrorumque omnium gaudium longe maximum. Sic vovet, & dum vixerit, vovebit

NOMINUM VESTRORUM

MAIORIS ETIACONI


cultor devotissimus,
LAURENTIUS ECKMAN.

Fålt wåbeln,
Vid Kongl. Maj:ts L:if-Dragoune-Regemente,
Och
Halico Compagnie,
Adel och Manhaftig
Herr J O N A S
E C K M A N ,
Min Huldaste Fader.

Sedder har Solen beskrålat den efterklangtade Dag, på hvilken jag för det Allmåna får framte en fast ringa afskildring af den wördnadsfulla ärkhänsla och tacksamhet, jag i mitt ure hyser, för all mōda, onforg och lästnad, Min Huldaste Fader för mig haft, alt ifrån mina spåda Barna-år, intil närvarande tid. Men, som min ringa Tanke och stavlande Tale, gäfwa ej förmå sabbant utsöra, som sig borde; ty utber jag mig hädre, fö bewara alt uti et wördssamt minne, än med magra och ohyffade Ord, hemödja mig om fullgjörandet af en skylighet, som wida öfverstiger min förmåga. Här uppsörr jag nu den första Plantan af min Ungdom: et stämpelad Linne: En nog liten gäfwa för stor god och huldhet. Anse dock, Min Hulda Far, detta, sasom en tydelig Volk af et wördnadsfullt och tackamt sinne. Hela Werldenes Monarch, Den Nådefulle GUDEN, skal jag upphörligen anropa, det wärdes han bekröna, Min Huldaste Fader, med Ett-meligit och Ewigt Wäl! Ja, lefwer länge, Min R:ste Fader, Sam-hållit til nyttja; Min R. Moder, Mina R. System och Rådig, til hugnud och försvar! Bären, med all hälsa och walmåga, de grå Hår, til hvilka Eder Ålder, längt för detta, hunnit; Då grönkas allas Wart Wäl: Då uppfylls och den önskan, under hvilken jag beständigt framhärdar,

Min Huldaste Faders

Ödmjuk-lydigaste Son,
LORENTZ ECKMAN.



DISSERTATIONIS
CAPUT Posterius THETICO-POLEMICUM.

SECTIO Prior THETICA.

§. VIII.

DEUS O. M. possidet omnes perfectiones commensurabiles & illimitatas (§. II.), in quibus cum dubio careat esse intellectum infinitum, eundem quoque possideat, necesse est.

SCHOLION I.

1:mo Intellectum *simpliciter* talem seu *in abstracto* esse realitatem si quis dubitaverit, ei, quid sit ille, perpendat, svadeo, & mox dubitare desinet. Est vero ille *facultas res sibi distincte representandi*. Tres, ut vides, hanc definitiōnem ingrediuntur notiones partiales: α) *facultas*, β) *distincte*, γ) *actus representandi*. Harum quamque esse realitatem ex earum oppositis intelligis. 2:do Cum DEus sit ens absolute necessarium, omnis ab eo removenda est compositionis, nimurum & *Physica* & *Metaphysica* & *Logica*. 3:to Si quidem

quidem divisione supponit compositionem, & DEUS hanc respuit omnem, illius quoque nescius sit omnia, oportet. 4:10
 Num igitur mox distinctam omniscientia tradituri notionem, ejusdem divisionem & subdivisionem adferimus, supponimus semper, quæ de attributorum Divinorum convenientia & differentia inter se & respectu essentia communiter docent Theologi & Philosophi. Scilicet, non in DEO diversitatem realem inferre volumus, neque alterum alteri vere opponimus, sed formaliter distingvimus. 5:10 Intellectum DEI infinitum seu perfectissimum recte definimus per, adaequatissimum & simultaneam omnium possibilium representationem.
 6:10 Cum hocce DEI intellectu varia connexa sunt attributa sensu formalis ab eodem distingvenda. Intellectus numerum per modum actus primi, scientia vero per modum actus secundi, (ut in Scholis loquuntur,) concipi solet. De omnisciencia nobis sermo erit. Quid illa? Patebit hoc melius, si, quid sit scientia, prius meminerimus. Hæc subjective summa est habitus demonstrandi ea, que affirmantur vel negantur. Requiritur ergo ad scientiam perspicientia nexus rerum. Hæc eadem scientia enti finito tributa, subjective, formaliter & objective est limitata. Hisce sublati limitibus oritur scientia illimitata seu Omisciencia, que est distinctissima perspicientia connexionis omnium cognitu possibilium, tam singularium quam universalium. Seu, est actus intellectus Divini, quo is, uno, aeterno, simplicissimo immutabilique actu, semel & simul adequatissime scit & cognoscit omnia & singula, qua ratione esse possunt, fuerunt, sunt aut erunt. Sunt igitur hujus scientiae objecta res omnes, necessaria & contingentes. Hinc, scientia DEI in se unica, formaliter in Necessariam & Contingentium dividi afolet. Illius objecta sunt omnia absolute necessaria, qualia sunt, praeter ipsum DEUM, absolute rerum possibilitates in intellectu Divino fundatae. Est iterum hæc duplex, una, qua se ipsum DEUS cognoscit, & dici-

dicitur *Naturalis*, altera, qua absolutas rerum intuetur possibilates, *scientia simplicis intelligentiae* nuncupari solita. Parti modo *scientia Contingentium* duplex constitui debet, *scientia Visionis* scilicet vel *liberi* & *Media*. Illa est, qua Deus perficit nexus omnium præter se actualium cum illarum successione & simultaneitate. Sua ideo agnoscit objecta omnia in hocce mundo præterita, præsenzia & futura, sub se, ut patet, comprehendens *Præscientiam*, qua Deus ab eterno certo novit, que futura sunt, sive in liberis creaturarum rationalium determinationibus, sive in mundo materiali. Hæc denique seu *scientia Media* est, qua S. N. cognoscit ea, quæ per vires naturæ aliquando essent futura, si certa conditio poneretur, nunquam autem futura sunt, quoniam conditio nunquam ponenda est. Videantur hæc & plura in *Celebrat.* D. Wallerii *Prænot. Theol.* P. I. §. 68. seqq.

SCHOLION II.

Hæ sunt scientiæ in quas vulgo dividuntur & subdividuntur sicut omniscientia, num vero, juxta primam divisionis regulam, membra dividentia & subdividentia sint cum diviso & subdiviso reciproca, h. e. nec plura, nec pauciora quam utriusque natura postulat, haud scio. Nisi, ut sit sæpe, egregie fallar, mihi pauciora esse videntur. *Actus* enim, quo Deus absolute possibilia, i. e. in se & separatim ab aliis cognoscit, a nostratis dicitur *scientia simpl. intelligentiae*. *Actus* vero, quo eadem possibilia ut inter se connexa & in integros mundos possibles coordinata (§. IV.), intuetur, num excludendus? Minime. Sed, numne sic peculiari quodam nomine insigniendus, vel etiam ad aliam quandam ex allatis scientiam referendus? Ad questio[n]em priorem alii respondeant, quod vero ad posteriorem attinet, ego, ad quam scientiam nominatus actus commode posset referri, non video. Hoc nominasse sufficiat rem ipsam demonstratu-

ris. Magis forsan decet rationem denominationis dictarum scientiarum paucis significare. Primam scientiam *Naturalem* vocant, quia hac ipsa Deus suam *naturam*, seu *essentiam* intime perscrutatur. Dicitur etiam *Necessaria*, & quia Deus est *ens absolute necessarium*, &, quia non potest non se ipsum cognoscere. *Scientia simplic. int.* inde nomen est sortita, quod nullum decretum Divinum antecedit, a quo, ut somniant quidam, ipsæ rerum possibilitates dependerent. *Necessaria* quoque audit, cum id, quod possibile est, non possit non tale esse, & Deus res possibles, ut tales *necessario* cognoscat. *Scientia Visionis* ita dicitur, quoniam tam clare, distincte & certo hæcce objecta cognoscit Deus, ac nos novimus, quæ nostris videmus oculis. *Liberam* eandem appellant, non quasi S. N. illam pro lubitu adsumere & deponere posset, sed, quia liberum quoddam DEI decretum circa res istas producendas aut permitterandas præsupponit. Nam nihil unquam existere potuit, potest, vel poterit sine DEI voluntate, ideoque nec sine quodam ejus decreto, *Præscientia* denominationem inde ortam scias, quod rerum existentiæ *infinito intervallo* præcurrat. *Media* denique sic vocatur, cum *medium* quasi *locum* teneat inter *scientiam simplic. intell.* & *liberam* vel *Visionis*, & ab hac utraque aliquid trahat. Nam objecta hujus *scientiæ* neque ut *mere possibilia* neque ut *absolute futurum* considerantur.

§. IX.

DE O competit *Scientia Naturalis*. Est enim sapientissimus (§. II.), ideoque nihil agere potest casu fortuito (per def. sap.). Detur igitur, necesse est, ratio sufficiens electi ab illo hujus mundi præ ceteris æque possibilibus (§. III.). Hanc duplē esse, *objectivam* & *subjectivam*, jure dicimus

mus summo. De illa infra, de hac jam loquemur. DEus quod sese dedecet, nunquam, quod decet, semper agit (per concessa). Elegit ergo hunc mundum quia ipsum decebat. Sed ens liberum decet, cuius aliqua ratio in iis, quæ ipsi insunt, sive in essentia, sive in attributis ejus, continetur, cur id potius velle debeat quam aliud. Electio itaque facta est ob rationem *subjectivam* petitam ab ipsius DEI essentia seu perfectionibus (per ant.). DEum ergo se ipsum suasque perfectiones cognoscere ex dictis sequitur. Competit ergo ipsi *scientia Naturalis* (§. VIII. Schol. I.).

SCHOLION.

1:mo Quæri solet: *An DEus ipse possit esse objectum primarium suæ scientiæ?* Cum, inquiunt nonnulli, scientia sit ipsa ejus essentia, absurdum videtur, essentiam ut essentiam, vel scientiam ut scientiam posse esse sui ipsius primarium objectum. Sed nihil heic videmus absurdum, modo distingvatur inter intellectum DEI *actu*, ut loquauntur, primo, & secundo consideratum. Illo, denotat ipsam simplicissimam DEI essentiam, hoc, actionem ab essentia prodeuntem, qua DEus repræsentat seipsum & cetera omnia. 2:do Lucem & robur allatae demonstrationi conciliaturi verba insignis cuiusdam Philosophi adferemus. Ita ille: “Si possibilis“ foret (in DEO) fui ignorantia, non impossibilis etiam es-“ fet error in cognoscendo, eligendo, decernendo & agen-“ do. Se ipsum ignorare, aut suæ cognitionis non esse“ consciūm, magnæ est imperfectionis argumentum. Quod“ cum absurdum sit atque impium de DEO cogitare, relin-“ quitur, cognoscere DEum se ipsum scientia adæquatal &“ comprehensiua, ita ut nullus sit excessus, nullus defectus,“

"vel in genere cognoscibilis, vel in genere cognitionis,
"utrumque enim est insinicum." Ratio Dicta S:æ S:æ dum
citamus singulis scientiis probandis præsertim inservientia,
sciat B. L. id nos ideo facere, ut uno obtutu conspicere pos-
sit svayissima Revelationis & Rationis harmonia, inter quas
tamen in præsenti arguento esse pugnam nimis audacter
adserunt Omnicientiæ hostes. Missis aliis heic nobis alle-
gasse sufficiet, *I Cor. 11: v. 10 & 11.* Quod hoc loco de
Spiritu Sancto explicite dicitur, de Patre quoque & Filio
implicite est intelligendum, unus enim *idemque* est trium Per-
sonarum intellectus.

§. X.

Summo N. recte tribuitur scientia simplic. intell.
Rerum essentiæ fundantur in intellectu infinito,
sine quo omnia tollerentur possibilia, essentiæ o-
mnes (§. III.), DEus vero cum solus talem possi-
deat intellectum (§. VIII.), intelligitur ipsi neces-
sario tribuendam esse scientiam simplic. intell. (§.
ead. Schol. I.).

SCHOLION.

Sicut DEum sine intellectu concipere impium esset, i-
ta intellectum sine ideis fingere implicaret, haud aliter ac
triangulum sine numero ternario concipi nequit. Quemad-
modum itaque latera tria & anguli tres triangulo essentiali-
ter insunt & immutabiliter, ita quoque repræsentatio possi-
bilium omne augmentum, omnemque respuens mutationem,
DEO essentialiter inest. Hinc *Leibnitius* merito nostram
scientiam in Theod. passim *regionem* vocat *veritatum eterno-
narum*, nam possibile, necessario, immutabiliter ideoque ab
eterno tale est. Objecta, ut vides, hujus scientiæ non nisi
absolute possibilia, h. e. essentias & attributa, constituimus.

Ratio

Ratio hæc est, quod nostratum plurimi adpellent nominatum
actum scientiam absolute possiblum, qualia, possibilia in va-
rios mundos possibles coordinata, incommodae dicerentur.

§. XI.

Deus quoque omnes mundos possibles & qua ma-
xima & qua minima sibi distinclusime repræ-
sentat. Huncce mundum & ratione constitutionis &
ratione consecutionis esse contingentem, nemo sanus
negabit. Est igitur hic mundus non a se, sed ab
ente a se diverso, h. e. necessario. Hoc ens nomi-
ne DEI veneramur (§. I.). DEus ergo huncce
mundum ad statum actualitatis perduxit. Imo e-
legit eundem præ ceteris infinitis mundis possibili-
bus (§. III.). Est vero electio actus voluntatis Di-
vinæ. Hæc, ut perfectissima, bonum minus ma-
jori præferre nequit (per def. vol. perf.). Hic i-
gitur, qui electus est, mundus, ad prævium intel-
lectus Divini judicium, optimus sit, ejusdem vo-
luntatis indoles postulat. Pone contrarium, &
mox DEO cæcum volendi affingis impetum, quod
& absolum & impium. Idcirco DEus hunc mun-
dum optimum esse judicavit. Hoc iterum judicatu-
rus, omnium mundorum, cum fine, quem sibi pro-
posuerat, consensum, unico actu repræsentaverit,
necessæ est. Finge namque aliud, & orietur absur-
dum, (taceo reliqua), quod vel nominare reformi-
dem, scilicet, DEum ipsum esse dubium, nosque in-
certos, numne, medium fini subordinaturus, nu-
bem amplexus sit pro Junone. DEus ergo, &c.

SCHOLION.

SCHOLION.

Ob majorem evidentiam conferantur cum hac §.
Schol. §. VI. & Schol. §. VIII. subjuncta. Ad hæc, quo
nulli locus supersit dubio, abs te quero: Numne ad plurimum
pretia rite estimanda, & unius a ceteris discrimen indicandum,
adequata omnium, minimorum maximorumque opus sit cognitio-
ne? Fateris sane; nam ipse vides, confusam ideam, multa
in uno distingvibilia, sed non distincta, exhibere, unde plu-
rimum discrimen & determinata electionis ratio nunquam pe-
ti potest. Hoc concessu concedis etiam DEum omnes mun-
dos possibles ab æterno distinctissime cognovisse.

§. XII.

DEUS ab æterno competit scientia Visionis. DEus ab æterno
omnes mundos possibles sibi distinctissime re-
præsentavit & qua minima & qua maxima (§. ant.)
adeoque & hunc mundum in statu possibilitatis
tunc constitutum. Cum porro nullum in DEO fin-
gere liceat defectum, errorem aut ignorantiam,
cognitio hujus mundi, quam DEus ab æterno ha-
buit, exalte h. e. sine ulla vel minima mutatione con-
veniat cum illa, quam in tempore, dum omnia
actum consequuntur, habet, necesse est. Idem ex
absurdo brevius demonstratum accipe! Pone DEum
actualia non ab æterno nosse, sed in tempore de-
mum noscere, tunc ejus cognitio fuit limitata &
in dies aucta est & augetur. Vides ne sub hac
hypothesi DEum simul esse DEum, & simul non (§.
II.). Hoc absurdum est, ideoque nostra propositio
demonstranda vera esse debet (per præc. Log.).

SCHOLION.

Scientiam Visionis apte probant loci: Job. XXVIII: v. 24. **הָא (אלhim) קְצֹוֹת־הַאֵץ וּבֵית הַחַת כָּל־הַשְׁמִים רַאֲתָה.** H. e. Perspicit ille (DEus V. ant.) usque ad finem terra: NB. *Videt omnia sub toto celo: & Alter. XV: v. 18. Γνωστὸν αὐτῷ ἀπό τοῦ Θεοῦ πάντα τὰ ἔργα αὐτοῦ.* Seu: *Cognita sunt DEO ab aeterno omnia opera illius.* Opera DEI l. e. nominata sunt vel *naturalia* vel *spiritualia*. Vi ergo dicti allati DEus ab omni aeternitate cognoscit omnes res in regno *Natura & Gratiæ* praesentes, præteritas & futuras. Cfr. Cel. D. W. Prænot. Theol. P. I. §. 72. Quod vero speciatim ad DEI attinet *Præscientiam* sub scientia Visionis comprehensam, ex locis plurimis eandem comprobantibus nobis excitasse sufficiet: *Ez. XLI: v. 22, 23.* Coll. cum Cap. *XLII: v. 9.* Paucis: *Quot in S. Codice adsunt prophetæ, quantique in V. T. fuerunt Prophetæ, sot Præscientia & tantos, habet testes.* DEus enim ipse & Prophetas constituit & prophetias indidit.

§. XIII.

Summo Numini scientiam Medium reple tribuimus. Hac DEus O. M. cognoscit ea, quæ per vires naturæ aliquando essent futura, si certa conditio poneretur, nunquam autem futura sunt, quoniam conditio nunquam ponenda est (§. VIII. Schol. I.). Pone jam DEO hancce scientiam non competere, mox dices, DEum *vel* ejusmodi conditiones possibles, *vel* ipsas naturæ vires, *vel* denique rerum nexus latere. *Primum* repugnat demonstratis (§§. III, X & XI.). *Secundum* profligatur §. anteced. *Tertium* etiam est proscribendum: nam fundamen-tum nexus rerum constituunt earundem rationes

sufficientes (§. IV.); has vero in numerum possibilium esse referendas, quisque ultiro fatebitur, ideoque DEum intellectu perfectissimo præditum (§. VIII.) non latere posse. Quicquid sit, *DEO competit Scientia Media.*

SCHOLION.

Gloria inventionis hujus scientiæ ab ecclesiæ Reformatæ Doctoribus aliisque, Jesuitis plerumque & in his LUD. MOLINÆ speciatim tribuitur. Licet vero MOLINA pro auctore hujus inventi haberetur, PETR. tamen FONSECAM; MOLINÆ hancce gloriam invidentem, gravem ipsi movisse item, nos condocefaciunt SERRIUS & GONETUS. Hic de FONSECA dicit, eum in Domino gloriari se *primum* in DEO quandam de actibus liberis sub conditione futuris, excogitasse scientiam, quæ media sit inter scientiam DEI Naturalem & liberam (de scient. Med. Disp. 6. art. 2. n. 6.). Pari modo aliquam dictæ gloriae particulam sibi vindicare vult PRUD. de MONTE MAJOR. Omnibus in unum collectis, patebit, minimam hancce inventionis gloriam in tres partes minores divisam inter tres avaros hæredes esse distribuendam. Cuique sic suam offerimus particulam: FONSECA *primus* fuit, qui ejusmodi scientiam *invenit* & viva voce docuit. *Primus*, qui eandem in lucem proferre ausus est publicam, fuit PRUD. de MONTE MAJOR, qui anno 1587 exploravit quam nova hæcce doctrina apud eruditos viros habitura esset fortunam. Idem deinde, sed majori adparatu & stepitu fecit MOLINA vergente jam seculo XVI. Quid vero jam est triumviri quod invenistis? Num rem ipsam? Absit. Hæc namque ex S:a S:a Patrumque veteris ecclesiæ testimoniis abunde constat. Dicam ergo quid invenistis, scilicet rei antiquæ *nomen*, & hujus a ceteris scientiis *distinctionem*. Verbo: *Bene nominasti, bene distin-*

distinxisti, male docuisti. Neminem enim latet, Jesuitas
hacce scientia, in se verissima, abusos esse ad defendendos
suos de libertate voluntatis humanæ in spiritualibus errores.
Hinc factum scias, ut nostrates quoque circa scientiam
Medium in diversa abeant, aliis eandem probantibus, im-
probantibus aliis. Hos autem *abusum* tantum nominatum
timere & damnare per se patet. Dicta S:æ S:æ nostram
scientiam comprobantia sunt, missis aliis, sequentia: *I Sam.*
XXIII: 11, 12. Matth. XI: 21. Jerem. XXVIII: 19.

§. XIV.

Deus quoque *omnia universalia*, h. e. *genera & species omnesque veritates & universales & particulares cognoscit.* Præter ea, quæ hunc mundum
constituunt (§. XII.) DEus etiam possibilia & ab-
solute talia (§. X.) & in varia systemata redacta
(§. XI.) cognoscit. In hisce mundis & actuali &
possibilibus plures sunt individuorum series. Ex
collatione individuorum unius ejusdemque seriei
oriuntur *species*, & ex collatione specierum *genera*.
Qui ergo noscit mundos, noscit individua, qui in-
dividua, species, qui species, genera, & sic porro
usque ad genus summum. At DEus ita (per de-
monstr.) ergo. Cum porro omnes veritates inter
possibilia locum obtineant, & inter illas semper
mutuus intercedat nexus, ut altera principii, al-
tera principiati nomine merito veniat, adparet,
DEum, ne unicam quidem ignorare posse verita-
tem (per def. Intell. Divini, §. VIII.).

SCHOLION.

Proprie loquendo DEus quidem non abstrahit, ut mo-

nent Philosophi, quorum asserto verissimo nos in hac thesi nihil contrarii docuimus. Aliud enim est dicere DEum abstrahere, aliud *abstracta* seu *universalia cognoscere*. Prius negat, posterius postulat infinitus ejus intellectus. Quo itaque omnis error & confusio evitetur, res ita erit concipienda. Causa, cur nos homunciones abstractione opus habemus, hæc est, quod res singulares seu individua nostris sensibus obvia eosdem confundant, ope vero abstractionis unam in hisce individuis *sine altero* concipimus, nostraque sic cognitio sit magis *certa*, *ordinata* & *distingue*a. Sublata jam in DEO hacce caufa, tollitur etiam effectus, h. e. *abstractione* ipsa. Nihilo tamen minus statuendum est, DEum, genera & species omnesque veritates universales & particulares, uno eodemque, quo cetera, actu, sibi repræsentare, nisi dicere velis, eum alicujus possibilis notitia carere, ideoque defectu laborare. Nulla vero sit separata cujusdam veritatis cogitatio. Aliter si docueris, aliud mox oritur absurdum, scil. DEum *successive* res repræsentare, quod impie implicat.

§. XV.

DEO competit omniscientia. Ei namque tribui debet scientia Naturalis (§. IX.) scientia simpl. intell. (§. X.) cognitio mundorum possibilium (§. XI.) scientia Visionis (§. XII.) Media (§. XIII.) notitia omnium universalium (§. XIV.). Hæ autem scientiæ simul sumtæ absolvunt omniscienciam (§. VIII. Schol. I.). Ergo. Aliter: Si DEus non sciret omnia, vel objecta non essent scibilia, vel ejus intellectus ad omnia scibilia sese non extenderet, adeoque intra certos contineretur limites. Prius falsum esse patet ex §. VI. Posterius repu-

repugnat demonstratis §§. II, & VIII. DEI enim intellectus, ut ipsius attributum, est absolute necessarius, ideoque omni modo illimitatus & immutabilis. Ergo. Vel denique sic: DEus suam propriam essentiam intime scrutatur & cognoscit (per dem.), & consequenter etiam suum intellectum formaliter tantum ab essentia distinctum. DEum vero dum suum cognoscit intellectum, seu dum suæ sibi coniscius est cognitionis, omnia simul necessario scire ex definitione intellectus DEI satis superque patet.

SCHOLION I.

Voces: *Omniscientia* & *omniscius* sunt quidem ἀγερθοι, attamen res ipsa iisdem significata in S:a S:a est fundata & legenti saxe obvia. Sic *Psalm. CXLVII: v. 5.* dicitur de DEO quod μάς πόρος εἰναι, h. e. intelligentia ejus non (sit) numerus. Quod vero numerari nequit, neque mensurari potest. DEI itaque scientia vi l. cit. immensa est & infinita, cfr. *Ez. LX: v. 13.* Eodem sensu DEus dicitur οὐαὶ τοῖς γένεσι, DEus scientiarum, *I Sam. II: v. 3.* In Epist. *I Cor. II: v. 10.* expresse dicitur Spir. Sanct. πάντα ἐγεννῶν, omnia scrutari. Et in Epist. denique ad *Rom. XI: v. 23.* DEO tribuuntur profundissima divitiae cognitionis, βάθος πλάτος γνώσεως. Quæ verba ita explicat Celebrat. noster D. Waller. Prænot. Theol. P.I. §.69: "Vocabulum γνῶναι denotat quidem quamvis cognitionem, indicant tamen vocabula adjecta: βάθος πλάτος, quibus describitur cognitio DEI, non qualcumque significari notitiam, sed profundissimam & maxime completam, talen ergo, quæ nexus omnium cognoscibilium cum ultimis simul intuetur, & ideo omnisciæ titulo, jure optimo, est digna. I."

"dem, inquit, ex sapientia, quæ DEO expresse adsignatur
"cit. loc. fluit; nam sine scientia dari nequit sapientia." Hoc facilius intelliges si evolvere volueris Hollaz. Exam. Theol. Acroam. p. 260 & 261, ad calcem, ibique expositum *scientia DEI & sapientia* discrimen & nexum.

SCHOLION II.

Mirabitur sanus quisque, cum quo & ego miror, qui fiat, ut adversarii, hance de omniscientia doctrinam, non dicam *in dubium vocare*, sed *negare sustineant*, quam & Ratio & Revelatio tam distincte proponunt, inculcant, tuentur. En turpem inscitiam, abominandam audaciam, horrendum fastum! Quibus armis suam opinionem & defendere & aliis obtrudere conentur ex mox dicendis constabit. Singula hostium retundere tela a nostro scopo alienum est, imo hoc frustraneum esset. Dudum enim id præstiterunt nostrates & Theologi & Philosophi. Quid? Quod plura talia sunt, ut nobis immissa, vel statim in terram decident, vel si cuti adhæserint, risu extrahantur. Ea igitur solum adferemus argumenta, quæ quadam *veritatis & pietatis* specie vestita conspiciuntur. Hæc inquam allata pro vi-
rili refutabimus.

SECTIO Posterior POLEMICA.

§. XVI.

Proponuntur & solvuntur nonnulla argumenta, quibus *scientia DEI* simpl. intellig. impugnari solet. Quot sunt rerum essentiæ absolute necessariæ, tot conceptus absolute necessarii (§. III.). Hinc adaptaret nostram scientiam absolví iisdem conceptibus (§. X.). Hosce conceptus necessarios ideoque, scien-

scientiam ipsam negant in primis CARTESIUS & POIRETUS. Hic (in *Isagoge libelli: vera & cognita omnium prima*) dicit DEum nec ex absoluta necessitate ab æterno, nec nunc omnes excogitasse ideas, sed novas continuo excogitare vi liberrimi decreti, & in æternum excogitare novas peræque ac pristinas mutare posse. Ita evitaturus quorundam Scholasticorum absurdam sententiam de possibilitatum a DEO independentia, incidit ipse in aliud absurdum, subjiciendo easdem liberrimo DEI decreto. Distingvit inter possibile *anteideale* & *postideale*. Illud nullum esse dicit sine decreto DEI libero; hoc interveniente decreto Divino, tale constitui. Seu, illud est, cuius aliqua a DEO formari potest idea, licet non dum formata sit; hoc vero, cuius jam præsto est idea in intellectu Divino. Quod ad hancce attinet distinctionem possibilis in *anteideale* & *postideale*, eadem & absurdæ & impia est. Nam ante hoc decretum aut DEus determinate novit veritates, quas formaret, aut non. Si novit, non opus erat decreto, veritates enim jam tum erant determinatæ, & a DEO ut tales cognitæ. Si non novit, tum non erat eo statu omniscius. Prius absurdum esse agnoscit ipse Poiretus, posterius impium & repugnans, §. nostræ XV. Rationes, quibus utuntur duumviri illi ad stabiliendam suam hypothesisin, sunt potissimum sequentes. 1:mo *Nisi, inquit, DEus in æternum novas semper formare posset ideas hactenus non dum excogitatas, potentiae ejus limites ponerentur.* Respr.

Effen-

Essentiarum absoluta necessitas minime limites ponit DEI potentiae, nisi ideo illam limitatam esse dicere velis, quia efficere nequit, ut possibile sit impossibile & contra. Urgemus potentiam DEI sufficientissimam esse ad actuandum omne possibile, simul contendentes, eandem nunquam sibi & ceteris attributis posse contrariam esse, quod tamen fieret, si Deus vi ejusdem, novas semper formare posset ideas, h. e. commutare se ipsum in ens successivum. Qui cæcam adeo & impossibilia agendi vim DEO tribuit, monstrum concipit, non DEI potentiam. Si quid ergo ex allatis præmissis sequeretur, hoc certe, non aliud, scilicet, quod, si Deus *novas* continuo produceret ideas, *novus*, h. e. nullus foret Deus; nam sic non cognosceret omnia *simul* & *actu*, sed *successive*, ideoque ens esset successivum, quod Deus esse nequit, (§§. I, & II.).
 2:do *Cujuscunque essentiæ cogitatio non sufficit cognitioni perfectissimæ, ea ipso essentia non est perfectissima; atqui, si Deus omnia possibilia absolute necessario cognosceret, suæ propriæ essentiæ cogitatio ejus cognitioni tanquam perfectissimæ non sufficeret, ergo.* Respond. Sufficit certe cognitioni DEI tanquam perfectissimæ cogitatio propriæ essentiæ, sed hæc fieri nequit sine cogitatione omnium possibilium (§. XV.). Dum enim Deus cognoscit se ipsum, cognoscit quoque suum intellectum, & in illo omnia, est enim adæquatissima & simultanea omnium possibilium repræsentatio. Præter hæc, ex concessis a POIRETO, cuius hoc est argumentum, idem proba-

probari potest, imo sponte sequitur. Largitur scilicet ipse passim, DEum necessario concipere se ipsum, quæque ad essentiam, naturam & attributa ejus pertinent. Hunc vero conceptum sui ipsius suarumque virium esse adæquatum simul largiri debet. Sed quæritur sic: Num necessaria & adæquata cognitio sui suarumque virium sit possibilis absque cognitione eorum, quæ per illas vires sunt possibilia? Maxime omnino foret inadæquata, vaga & confusa: ergo. (Vide Cel. Doct. Waller. S. M. §. 607.).

3:io Si objecta omniscientie Divinæ ex intellectu DEI absolute necessarii fluunt, omnia rerum eventa, regimina, actus & reliqua, ex eodem absolute necessario fluunt. Sed, si Deus omnia possibilia absolute necessario cognosceret, sive, omnes ideae Divine ex ejus intellectu absolute necessario fuerent, inde quoque absolute necessario fuerent omnia objecta omniscientie Divinæ; ergo. Resr. Ex hypothesi falsa, falsa deducitur conclusio. Quis enim unquam dixit, vel quomodo demonstrabit POIRETUS omnia objecta omniscientie Divinæ fluere necessario ex ejus intellectu. Objecta scientiæ simpl. intell. radicantur quidem necessario in immenso DEI intellectu, sed quo jure inde colligis, omnia reliqua objecta, ut regimina, actus, verbo: singula actualium ex eodem necessario fluere. Certum quidem est, scientiam DEI contingentium etiam & dici posse & debere necessariam, eo respectu nimirum, quatenus absolute necessarium est, Deus actualia omnia ab æterno talia sibi stiterit, qualia in tempore fuerunt,

sunt vel erunt, hoc vero minime involvit ipsorum objectorum necessarium fluxum ab intellectu Divino. Sicut enim astronomus ecclipsin neque præteritam *reminiscendo*, neque futuram *prævidendo*, nec denique existentem *videndo* vel facit vel mutat, ita quoque Deus versatur circa actualia non in illa *influens caussando* (§. IV.), multo minus *necessitando* sed *cognoscendo* tantum. Confundit itaque POIRETUS *ideas & ipsa objecta*. Objectorum (actualium) *idea* suo modo fluunt ex intellectu Divino, absit vero dicas, ipsa objecta seu actualia inde fluere, hoc enim absurdum esse cæcus quisque videt.

4:to *Nulla existentia aliter habere potest, quam essentia permittit, cuius est complementum.* Atqui *essentia necessaria est, ergo & existentia talis.* Aut accedens ad *essentiam existentia essentiæ necessitatem aufert, aut non: si aufert, tum existentia essentiæ mutat, nec complet, quod est contra definitionem existentiæ.* Si non aufert, tum *ens existens omne est necessarium.* Respr. Dum dicitur, essentias rerum esse necessarias, essentia semper accipitur *sensu Metaphysico*, quo existentiam *excludit*, non autem *Physico*, quo eandem *includit*. Quam itaque certum est, essentias rerum finitarum illo *sensu esse necessarias & immutabiles*, tam quoque certum easdem *hoc esse mutabiles & contingentes*. Non tamen putes existentiam mutasse essentiam, illa enim, quæ absolvitur prædicatis sibi mutuo non repugnantibus, semper indicato *sensu est & manet necessaria & immutabilis*, nisi dicere velis existentiam mutasse
essen-

essentiam, h. e. possibilatem in impossibilitatem. Ad hæc, dum existentia definitur per complementum possibilitatis, per tale complementum intelligitur *id*, quod possibile potest habere *præter* possibilatem, h. e. statum, quo aptum est vel ad agendum vel ad patientium, qui status semper est contingens, ideoque non ejusdem, ac ipsa possibilitas, qualitatis. Ponamus enim, ut postulant adversarii, *talem esse existentiam, qualis est essentia*, sic, quoniam essentia meris etiam convenit possibilibus (Cel. D. Wall. S. M. §. 331.), existentia quoque iisdem conveniret possibilibus, ergo: NB. *Quicquid est possibile existit.* Hoc vero cum triplici nomine absurdum esse evicimus (§. III.), ipsa, ex qua sequitur, hypothesis erit falsa (per *præc. Logica*).

§. XVII.

Siftuntur & solvuntur argumenta quedam contra Scientiam Visionis. DEum O. M. in hocce mundo *præterita & præsentia* scire, postquam facta sunt, & dum sunt, non quidem negant adversarii, sed *Præscientiam* impugnant, qua defendimus S. Numen ab æterno certo noscere, *quæ futura erant si-
ve in liberis creaturarum rationalium determinacioni-
bus siue in mundo materiali.* Qui contra nos & di-
ctam scientiam pugnant, esse Socinianos neminem latet. Hanc tueri cordatum quemvis tanto decet magis, quanto sit certius, DEum ipsum in Sacris Pandectis sese per eandem pro vero DEO esse a-
gnoscendum, & ab idolis omnibus distingvendum saepius postulare. Armorum, quibus utuntur ho-

stes, tanta nobis obvia est multitudo, ut eorum numerum inire fere nequeamus. Vi promissi nonnulla tangemus, quæ sunt sequentia: I:mo *Qui cunque cognoscit res ut sunt, ille non habet rerum contingentium certam scientiam*, atqui DEus, ergo Nervus argumenti est: Rerum contingentia futurorum non certa & determinata, sed vagabunda vel nulla prorsus dari potest notitia. Resp. Futura contingentia omnia sunt ab æterno determinata per suas caussas (§. IV.), ergo ab æterno determinata illis respondet cognitio, nisi alias illa, ut recte postulant adversarii, cognito erit analoga. II:do *Quo posito tollitur rerum contingentia, aut libertas humani arbitrii, illud de DEO non est affirmandum.* Sed posita determinata futurorum contingentium scientia, tollitur omnis rerum contingentia, libertasque arbitrii humani, ergo. Resp. Concedimus majorem negantes minorem. Unde namque illa probabitur? Contingentia enim etiamsi sint determinata (§. cit.) non tamen sunt necessaria (§. V.). Neque ipsa scientia tollit contingentiam, est enim illa externi quid non influens caussando vel necessitando (§. ant.). Scientia ergo actualium sua objecta hæc non facit, sed hæc facta invenit. Haud aliter ac speculum objecta certo & infallibiliter repræsentando, non eadem facit, sed facta invenit, h. e. ea talia repræsentat, qualia ipsi adsunt, aliter repræsentatur, si objecta aliter ipsi obversarentur. (a)

Quod

(a) Hocce apte satis exprimit ORIGENES (apud EUSEB. *Præp. Evang. VI. cap. II:do p. 287. D.*) dicendo:

Quod vero in primis ad libertatem humani attinet arbitrii, res est prorsus eadem, actus enim ab ea pendentes manent liberi et si a liberis suis causis sint prædeterminati, absit a quopiam necessitati (§. V.). III:to DEus sua præscientia non est otiosus rerum spectator, sed sapiens & potens director, qui omnes causas sua tenet manu. Nihil ergo sine præcedente DEI decreto fit, quod effectu nunquam frustratur. Sensus argumenti est, quod, quoniam nihil existit, nisi decretum, decretum sit necessarium. Verissimum est, nihil unquam existisse, existere, aut existere posse sine DEI decreto. (b) Ast, quid ex

“& τὴν πείρων αἰσιαν τῶν γνομένων -- ἀλλὰ -- τὸ ἰσόπε-^(c)
νον, οἵτιον τὸ πιάνον, εἶναι τὴν πεὶ ἀνῆς πείρων. & γὰρ^(c)
ἐπεὶ ἔγνωση, γνῶση: ἀλλ' εἴπει γνέσια ἐμελλεῖ, ἔγνωση.^(c)
H. e. Pracognitionem non esse causam futurorum -- verum --^(c)
futuri præbere fundamentum talis, qua circa illa habetur, præ-^(c)
cognitionis: non enim ideo quid sit, quia prius cognitum est^(c)
futurum esse, sed contra, quia futurum erat, præsiebatur.^(c)
Hinc pulcherrime etiam BEDA: Quid ergo, inquit, coe-^(c)
git nos DEus, ut mali sibi videremur ab aeterno? Potius nos^(c)
coëgimus DEum, ut nos malos videret. Si video jacensem^(c)
aliquem, necesse est ut ille jaceat, quem jacere video. Illa^(c)
ergo necessitas a jacente est aut vidente. Utique non a vi-^(c)
dente inferitur necessitas ut jaceat, sed ab ipso, qui se depo-^(c)
nit ut jaceat.^(c)

(b) Immo, (ut loquitur acutus Philofophus) “in^(c)
universali & unico DEI decreto comprehenduntur præteri-^(c)
ta, præsentia & futuri omnia, non generice solum, sed &^(c)
specifice & individualiter, naturalia, moralia & spiritualia,^(c)
bonorum futuratio & malorum permisio, prohibitio, mo-^(c)

allatis sequitur? Num, quod decretum tollat contingentiam? Absit, hoc enim nostriates & Theologi & Philosophi dudum multiplici nomine absurdum esse evicerunt, nobisque sic otium fecerunt. Verbo tamen: Pone decretum mutare objectum, h. e. reddere illud vel perfectius, vel deterius, quam ab intellectu ante decretum fuit repræsentatum. Utrum adsumas, videbis sic oriri dissensum DEI inter intellectum & voluntatem, quod cogitatu, magisque dictu impium. IV:to Ejusdem fere cum allata indolis est sequens objectio: aut scientia Visionis cognita futura habet, quia ex se ipsis sunt futura: aut quia futura sunt ex decreto DEI. Si, quoniam ex se ipsis futura sunt, perspecta habet: tum ex se ipsis pendebunt, nec DEO, ut futura sint, debebunt, quod est absurdum. Si futura perspicit, quia Deus talia fore decrevit, quod placet, adversarii obtinuerunt. Respond. Deus futura contingentia cognoscit, neque ut a se ipsis, neque a suis causis solum, neque a suo decreto unice, sed ut a suis causis ad tenorem sui decreti certo futura cognoscit. Contingentia enim a se ipsis qua futuritionem dependere, sine contradictione dici nequit. Eadem porro vel a suis

“deratio, directio, impeditio, emendatio, punitio, cetera; “neque haec solum in se spectata, sed & in serie & conse-“cutione, tam *naturali*, per caussas & effectus, motiva, “media & fines, quam *morali*, per merita & præmia, de-“merita & poenas.“ Licet vero haec omnia *unico* involvan-“tur decreto, cave tamen putas ea *uno* eodemque modo ibi contineri.

suis causis solum, vel etiam a DEI decreto unice, qua futuritionem determinari, absconum est. Hæc autem si, ut decet, simul sumas, nostra thesis firma, hostiumque simul explosa erit sententia. Deus enim *qualia* contingentia per suas causas futura, si ejus accederet decretum, prævidit, *talia* futura decrevit, *qualia* vero ita decrevit, *talia* facta sunt. Exulat itaque omnis contingentium necessitas & earum a DEO independentia eti detur præscientia. V:to Provocant adversarii ad concursum, qui Providentiam Divinam ingreditur, cum quo libertatem & contingentiam minime consistere posse opinantur. (c) Facile fieri posset, ut nos, natura timidos, suo MEISNERUS perterrefaceret timore, nisi sciremus, viros solida eruditione conspicuos ejusmodi metum irritum, ideoque expellendum esse, demonstrasse. Hosce audaces sequimur, secuturos vero non *auctoritas*,

(c) Causa, nescio, qua, factum est, ut nonnulli nostrum putent istam objectionem tanti esse momenti, ut statuerint, aut *concursum*, aut *contingentiam* esse negandam. Imo, allatum argumentum adeo commovit MEISNERUM ut in Antropol. S. Disp. XXI. §. II. & præsertim §. 110. ita scripsiterit: "Diffiteri nolumus argumentum illud esse" difficultimum: vix enim percipi potest ratione, quomodo "infallibilis providentia simul stet cum rerum *contingentia* & "actionum libertate. Nam si assumas illud, videris hoc ne- "gasse, & contra. Unde enata sunt duo illa enthymemata "hæretica, alterum Epicureum, alterum Stoicum. Illud sic "habet: Datur *contingentia*, ergo nulla *providentia*. Hoc ita: "Datur *providentia*, ergo nulla *contingentia*. Hi sunt pericu- "losissimi scopuli, in quos humana ratio sœpius impingit."

ritas, non fortuna, sed ipsa juvabit veritas. Quantum igitur institutum permiserit, doctrinam de concursu DEI distincte proponemus, eademque opera eundem ab omni necessitatis formidine liberabimus. Definiente Cel. Doct. Wallerio, unus ad alterius actionem concurrere dicitur, quatenus in actione ipsius aliquid rationis cur agat alter, continetur. *Concursus* (itaque ad actionem alienam) est actio, quæ in se aliquid rationis continet, cur agens agat. Hinc, quid sit, quod DEus dicatur concurrere, quidque *concursus Divinus*, intelligitur. Est namque *concursus DEI actus*, quo is in actiones & effectus creaturarum juxta earundem naturam & indigentiam cooperatione communi & immediata influit. Hicce DEI *concursus duplex* vulgo constituitur, *Physicus* & *Moralis*. Ille, (qui etiam generalis audit) quo DEus omnium creaturarum vires activas conservat; Hic, (alias *specialis* dictus) qui versatur circa hominum bonas actiones motiva suggestendo. Hæc motiva cum duplicitis sint generis, duplex iterum est jam definitus *concursus*, scil. *Naturalis* & *Supernaturalis*. Ille occupatur circa bonas actiones, ea rundem motiva prebendo per ipsam rationem aut legem *Nature*. Hic absolvitur suggestione motivorum a Spir. Sancto per *Revelationem facta*. Porro: In quo cunque individuo adsunt Tria: I:mo *Notio generica*; II:do *Specifica*; III:tio *Differentia numerica*. In quavis ergo actione individuali eadem adesse debent requisita. *Genus actionis* est, quod sit effectus vi atrici productus. *Species actionis* est ejus vel con-
venien-

venientia vel pugna cum lege, vel etiam *indifferens* ad legem *relatio*. Numerus denique ejusdem seu *notio numerica* est, quod *hæc* sit non *alia*: e. g. *cædes*, *scortatio*, *furtum*, cetera. *Materiale actionis* coincidit cum ejusdem *genere*, *formale vero cum specie*. *Hæc* sunt demonstrandi principia a quibus ad conclusiones. Creaturam omnem, quoisque potest, a DEO dependere, demonstratione non *eget*. Si itaque qua *existentiam*, non vero qua *operationem* a DEO dependeret, non certe tantum, quantum potest, ab ipso dependeret. Imo, sub hac hypothesi haberes creaturam in existendo *dependentem*, ast in operando *independenterem*, h. e. DEum, quod implicat, ergo. Præter *hæc*, cum actiones creaturarum semper involvant aliquid entitatis seu positivi, & omne positivum a DEO dependeat (per pr. Theol. Natur.) sequitur, illarum actiones semper *qua suum reale* a DEO dependere, ideoque DEum ad easdem *vere concurrere*. Frustra sic vides negari DEI concursum, cum eo subtracto, cessarent agendi vires, actiones omnes. Sed forsan hoc posito, evanescunt *libertas* & *contingentia*? Absit metus, nam I:mo *Concursus Physiscus neutrām tollit*. Hoc enim DEus vires *actrices* conservat (per desin.) non autem vi quadam physica actiones determinat, multoque minus necessitat (§. n. IV.). Ast objicis: *Causa causæ est causa causati*, ideoque DEus, qui conservat vires *actrices*, etiam *influit in ipsas actiones*, vi allati canonis. Respond. Reête infertur DEum influere in ipsas a-

ctiones, quatenus nimirum entitatis quid involvunt, h. e. ad earum *genus*, non vero *speciem* & *numerum*. Non *speciem*, sic enim DEus & peccatorum & bonarum omnium actionum causa consti-tueretur *unica*, *proxima*, *principalis* & *particularis*, quorum prius *impium*, posterius *absurdum* (§. cit.). Non *numerum*, involvit enim *vix agendi limitatio-nem* seu *restrictionem* ad hoc non aliud. Quicquid vero in *actione limitatum* est, id non a *DEO*, sed a *creatura* dependet, cui *limitatus agendi modus proprius* est. Ex dictis ergo patet, DEum O. M. esse tantum modo *causam* actionum creaturarum *universalem*, creaturas autem ipsas suarum *actio-num causas particulares*. Est enim causa universalis *causa efficiens*, quæ sua *actione vires aliarum cau-sarum sustentat*, ipsum vero effectum non determinat; atqui DEus, ergo. Causa iterum particularis au-dit, quæ sua *actione effectum determinat*; sed creatu-ra quævis, ergo. Neque Il:do *Concursus DEI Mo-ralis*, sive *Naturalis* fuerit sive *supernaturalis liberta-tem vel contingentiam tollit*. Nam uterque absolvitur suggestione motivorum (per defin.), motiva vero etiamsi voluntatem determinant, minime tam-en illius libertatem auferunt (§. V.). Taceo quod hac in re doceat quemvis domestica expe-rientia, scil. se a motivis fsvaviter *allici*, non *cogi*. Si denique eum hac conferre volueris *Cor. VII: v. 37*, habebis tres fide dignissimos testes de nostra veritate testificantes, *Scripturam loquor Sacram, ra-tionem & experientiam*. Sed, cum adversarii præ-sertim

sertim urgeant concursum DEI ad *malas actiones*, placet eundem sigillatim paucis explicare. Scendum itaque, heic *unice* locum obtinere *concurrsum* DEI *Physicum*, vi cuius DEus etiam in illas *qua genus*, h. e. quatenus actiones sunt, re ipsa influit, minime vero *moraliter*. Sic e. g. Dum latro gladium evaginat, eodemque innocentem viatorem vulnerat, habes quod *Dominus* Omnis tribuas, & quod non, sed *latroni*. Nam evaginatio gladii & actus voluntatis *realitates* dicunt & constituunt actionum harum *genus*, quod *Divino concursui* recte adscriperis. Ipsa vero determinatio voluntatis ad *hunc*, non *a- llium*, *actum*, & *ad�licatio* gladii ad corpus hominis innocentis *legi contraria*, earundem actionum *speciem* absolvunt & numerum, ad quae DEus nullo modo concurrere potest (per antec.). (d) Pau-

K 2

mala-

(d) Hoc ipsi observant gentiles, qui in suis scriptis passim docent, DEum *nullo modo* posse esse peccati *causam*. CHRYSIPPUM (Stoicum) excitasse sufficiet. Ita ille: “*σις τῶν ἀπόχεων τὸ Θεῖον παρεξίπον γίνεσθαι, ὅτι ἐνλογέν εἰνι,*” “*οὐ τρόπον γάρ ἔτι νόμος τῆς παρενομένης παρεξίπος ἀν γένοισι,*” “*Ἐπεὶ οἱ Θεοὶ, τὰς ἀπεβεῖν, ὅτι ἐνλογεῖν μήδε ἀπόχες μηδενὸς εἴ-*” *ναι παρεξίπος.* H. e. Non conveniens est, DEum aliqua ex “parte turpium esse causam, sicut enim lex delinquendi, ita “DEus impietatis causa nullo modo dici consentanea potest: ita na-“tioni convenire, DEos etiam nulla ex parte esse causam turpi-“tudinis.” In comment. de disceptando L. 2. de Diis a Plutare cho citatus.

malarum autem materiale tantum. Verum objiciunt adversarii: *Actio, qua DEus ad peccata concurrit, aut est omni modo determinata, aut non: si determinata est, tum DEus determinat peccata.* Concurrit igitur ad formale etiam. Si actio non est determinata, tum non existit, quicquid enim existit, debet esse omni modo determinatum. Respr. *Actio DEI, qua ad peccata concurrit, omnino existit, ideoque est determinata, quatenus scil. consideratur ut actio DEI, inde tamen haud sequi, determinatam (non limitatam) DEI actionem determinare actiones creaturarum, antea probatum est.* Sed, inquiunt iterum, *Si res creata vires suas a DEO acceptas determinat, DEus autem concursu generali solummodo concurrit ad vires, queritur, utrum illa determinatio sit actio, nec ne?* Si actio est, datur certe actio, ad quam DEus non concurrit. Si non est actio, quomodo nos eo, quod non sit actio, sed actionis limitatio, *Divinam vim possimus limitare?* Resp. Determinatio non est actio, sed potius actionis defectus, nam (utor verbis obviis in dissertatione mox nominanda) nos, dum limitationem (determinacionem) illam instituimus, *re ipsu & absolute loquendo, non agimus, sed agendo defieimus.* Facta vero hac vis agendi restrictione ad hoc non aliud, concurrit etiam DEus ad determinatae actionis genus (per antec.). Non ergo limitamus *Divinam vim*, sed nostram agendi vim a DEI actione nobis concessam, ut verba ibidem jacent. Hæc de hoc satis.

SCHOLION.

Upsaliæ ventilata est dissertatio de *concurso DEI ad actiones hominum malas*, sub præsid. Celeberr. D. D. N. Wallerii, ubi & nostra de eodem *thesis*, & adversariorum *antithesis* pluribus confirmata atque refutata legi potest, ubi simul refellitur eorum opinio, qui pro *concurso DEI* mediato pugnant. Quod attinet ad Reformatorum *Precursum* (quo *DEus creaturam, antequam ad agendum se illa accingit, ad ipsam actionem efficaciter excitet & adplicet*) eundem, a nostris passim & in primis a Cel. D. Wallerio refutatum refutare noluimus. Videas ergo de hoc ejusdem Prænot. Theol. part. II. §. 94. seqq. ubi simul, sicut & in p. III. §. 142. seqq. ea solvuntur argumenta nostrorum hostium, quæ nos omisimus, actum agere nolentes, allata potius sufficere jubentes.

§. XVIII.

Solvuntur argumenta contra scientiam *Medium adferri solita*. Dudum in thesum pro laurea editarum quarta observavi hancce DEI scientiam a quibusdam prorsus negari, a quibusdam vero ad scientiam *simpl. int. referri*. *Prius* (teste SCHUBERTO in Instit. Met. p. 563) DOMINICANI & JANSENII aseclis, posterius Reformatis præsertim erit tribuendum. Nos, ut ex §. XIII. patet, neutrūm adprobamus, quod quo jure fecerimus, ex dicendis constabit. Bellum litis erit judex, ideoque mox ad arma. Primum itaque cum illis congregandi lubet, qui nostram scientiam negant. Hī his utuntur armis. 1:mo *Scientia, quæ vocatur Media, est conditio-nata, at nulla scientia DEI est conditionata, ergo mul-la scientia DEI est Media.* Resp. Dicitur & est e-

tiam nostra scientia *conditionata* scil. *objective*, cum
objecta ejusdem sint *sub conditione futura*, ast mi-
nime subjective, quasi DEus *conditionaliter*, h. e. *ha-*
sitanter ea cognosceret. Sicut enim DEus successi-
va absque omni suæ cognitionis successione, ita
quoque conditionata procul omni conditione vel
hæsitatione sibi repræsentat (per defin. int. Perf.);
postulat enim hic, ut, *quicquid cognoscitur, cer-*
to & determinate cognoscatur, non contra. II:do
Quæcunque scientia nitorum decreto DEI prædetermi-
nante, illa de DEO non est affirmanda, atqui, ergo.
Majorem inde probare student, quod decretum præ-
determinans tollat libertatem voluntatis humanæ.
Minorem ita explicant: “*Conditiones conditionato-*
rum cum effectu connexionem habent contingen-
tem, esse & non esse possunt; quare, ut conne-
xio actu impleatur, efficaci DEI decreto præde-
terminanda est.” Respr. Decretum illud præde-
terminans, quale illi statuunt, dari, nunquam pro-
barunt, nec probabunt adversarii. Quod vero at-
tinet ad decretum illud universale, cui hæcce e-
tiam involvuntur objecta, idem, res, sicut in suis
causis antecedaneis prius conspiciuntur, determinat
quidem, ut omnis exulet mutationis formido, ab-
fit vero sanus quis vel momento cogitet, idem eas-
dem necessitare prædeterminando, ut putant hostes
(cfr. §. antec. num. IV.). Ad hæc, licet conditio-
nes cum conditionatis nunquam actu combinentur,
potest tamen DEus scire, qualia, posita hac conne-
xione, forent conditionata. III:tio *Quæcunque a*
DEO

DEO præsciuntur, ab ipso determinate cognoscuntur, atqui sub conditione futura determinate non cognoscuntur, ergo. Fere hæc objecto coincidit cum prima, pauca tamen allatis addemus. Conditionate futura, continentur in nexu quodam possibili, in quo singula a suis causis antecedaneis & simultaneis determinantur. Hunc qui intueri valet nexus, conditionata etiam determinate cognoscatur, necesse est, atqui DEus, ergo. Hinc Cel. CALOVIUS: "In differens quidem est objectum scientiæ Mediæ, sed non formaliter, sed tantum materialiter: nam quod objicitur scientiæ Divinæ, certum est, atque determinatum, cum scientia DEI non sit dubia & inde terminata." Frustra itaque ob hasce & similes rationes nostram adversarii DEO denegant scientiam, meliores vero cum adferre nequeant, iisdem silentium imponimus. Ast finis unius, alterius pugnæ erit initium. Dictis enim prostratis hostibus, nobis obviam eunt alii, statuentes hanc scientiam a scientia simplic. intellig. non esse distingvendam. WYTTEBACHIIUS (in Tentam. Theol. Dogmat. Meth. scient. pert. §. 250.) suam & sociorum sententiam sequenti modo stabilire conatur: Cum omnne, quod cogitari potest, sit vel possibile vel actuale, nec detur medium, etiam DEus non alia potest habere objecta scientiæ sue, hinc superfluum est, duplice illi scientiæ DEI (simplic. nimirum int. & visionis §. ejus 248, 249.) addere tertiam, Medium dictam ideo, quod complectatur objecta, quæ media sunt inter pure possibilia & actualia, seu actiones liberas creaturarum inteligen-

ligentium, si in his aut illis circumstantiis ponerentur: nam actiones hæ liberæ vel sunt in hoc mundo, vel non, si illud, sunt objecta scientiæ Visionis, si hoc, remanent in statu possibilitatis, proinde sunt objecta scient. simpl. intellig. adeoque sine ratione sufficiente introducita fuit scientia Media. Resp. Quicquid cogitari potest, est quidem vel possibile vel actuale, inde tamen falso colligitur frustra introductam esse scientiam Medium. Licet enim generatim loquendo objecta omnia ad duas classes referri possint, attamen, cum diversissima sit & actualium & possibilium ad se invicem relatorum indoles, membra dividentia subdivisionem utique postulant. Hinc quamvis a parte *DEI* sit nulla, nihilominus a parte *rei* (objecti) & a parte *mei* (hominis) sonica ad est factæ a nobis distinctionis causa. Nos scilicet homunciones, unico actu res intueri non valentes, vi nostræ imbecillitatis, cognoscenda in varias classes dividere cogimur, diversorum distinctos ideoque diversos nobis formaturi conceptus. Imo, hoc non possumus non facere etiam tunc, quando unicum objectum quamcunque respuens pluralitatem distinete representare volumus. Verbo: Nos, quæ aliquo modo differunt, ea a se mutuo distingvere sollemus, idque merito, si alias *bene* & *ipfi* concipere & *alios* docere poterimus. Cum itaque conditionate futura & a possibilibus absolute talibus & ab iisdem in *systemata redactis*, & denique ab *actualibus* omnibus omnino differant, nos, scientiam Medium eodem jure a ceteris, quo illas a se invicem

em distingvimus. Objecta nostræ scientiæ, qua ratione a possibilibus absolute talibus & actualibus differunt, cæcus quilibet videt, ast quomodo ab illis in certos ordines coactis, verbo significandum. Hoc itaque est discriminis, quod illa maneant intra nexum mere possibilem, ideoque mere audiunt possibilia, hæc autem contineantur in nexus possibili quidem, sed non mere verum futuribili (unde futurabilia) & hunc mundum respiciente, vel aliquatenus, ut ita dicam, ingressuro. Horum respectu, traditio, inquit HOLLAZIUS, tum erat futurabilis, non mere possibilis. Saul quippe ceperat consilium Davidem inopinantem opprimendi: Kegilitæ prævia deliberatione conspiraverant in traditionem Davidis: DEus decreverat traditionem & oppressionem Davidis permittere, si commoraretur in civitate Kegila. At de possibilibus nunquam exstirpis neque DEus format decretum, neque prudentes consultant homines. Quamvis igitur conditionate futura, quæ nunquam in aetum traducuntur, cum possibilibus convenienter materialiter & ex parte: non tamen formaliter & per omnia convenientur. Hæc si vera sunt, sunt autem verissima, simul firmo nostra thesis nititur tali, qua statuimus scientiam Medium, pro nostro concipiendi modo, fundato in objectorum a ceteris differentia, a scient. simplic. intellig. esse distinguendam.

SCHOLION.

I:mo Prius vela quam contrahantur, aut armorum ces-

L

set

sed strepitus, ad duas quæstiones, (quæ adversariis seru-
 pulum injecerunt, forsitan & aliis injicere possent,) pugnan-
 do respondebimus, & respondendo injectum evellemus seru-
 pulum. Concernunt hæc, ut ex dicendis patebit, omniscienc-
 tiam in genere. Prior hæc est: *Num, si DEus erit omnia
 sciens, requiritur, ut peccata quoque sibi representent?* Poste-
 rior: *Num impossibilia etiam sunt omnisciæ objecta?* Quod
 ad illam attinet, non defund, qui pietate, nescio, qua,
 DEI omniscienciam ex eo faltem capite infringere conantur,
 quod impium esse putent statuere, DEum & sic peccata
 scire. Ita vero ratiocinantur: *Qui peccata non representat,
 non non representat omne possibile.* Sed de DEO affirmare licet
 prius, ergo. Minorem ita probant: *Representare, est idem
 representatio similem animo concipere.* *Qui peccata representat,
 in eo est aliquid peccato simile.* Sed in DEO nihil est peccato
 simile, ergo DEus peccata non representat. Non igitur omnia
 absolute cognoscit. Resp. Est in DEO aliquid peccato si-
 mili sensu logico, non morali, h. e. DEus utique format sibi
 ideas unicuique peccato convenientes, minime vero in eo
 adest ideo labes ipsa, sive eidem labi analogi quid. Labes
 enim & turpitudo objectorum non monsiter, i. e. vitiendo
 vel deturpando cognitionem ingreditur, sed tantummodo la-
 gice. Sic, si ipse pius es, numine atrocissima sceleræ, ut
 furtum, adulterium, necem, cetera, tibi logice, h. e. talia,
 qualia sunt, satis sine omni vitio morali? Si negas, vel
 mentiris, vel putans te pius esse, impius adhuc manes.
 Si affirmas, a te ad DEum, seu, a minori ad majus con-
 clude! Modum, quo hoc a piis hominibus sit, quisque
 facile perspicit. Scilicet ideas turpibus objectis similes sibi
 formando, ipsam objectorum labem aversantur, non eadem
 contaminantur. Hinc sano sensu cum nobis facere judicamus
 PAULUM, dum mundis omnia (ergo turpia) munda esse te-
 statut. Quid jam de DEO dicendum? Certe idem, sed
 sensu

sensu *absoluto*, siquidem in eo rerum turpium idea, eum ipsius turpitudinis intensissima aversatione semper sunt coniunctæ. Verbo: *Purissimo omnia purissima.* Hac scribens, memini me legisse quosdam ita concludentes: *Quoniam DEus aversatur mala, ea prohibet & non vult, ergo eadem neque cognoscit.* Hos vero se ipso refutare quis non videt? Diccam tamen: *Ignorat ut cupido, ita aversatio nulla.* Quam amice cum dictis conspirent plurima S:æ S:æ effata, nominasse erit demonstrasse. *Ficta* igitur, qua capti sunt hostes, est pietas, fictum quoque, quod vi ejusdem statuunt, puta, DEum non cognoscere peccata. Quod denique ad hanc, seu posteriorem attinet questionem, ad illam sic responderemus: I:mo Non queritur de impossibilibus *Physicis* & *Moralibus*, cum circa illa nihil sit difficultatis, dubii nihil, sed de impossibilibus *Metaphysicis*. II:do Si jam interrogor: *Num DEus scit, quænam sint impossibilia & contradictoria?* Affirmo, cum nullus dubitem, neque alii dubitandi erit causa, quin DEus optime intelligat, quod, si determinationes essentiales aliter conjungerentur, quam in suis ideis conjunctæ sunt, non nisi contradictoria oriri. DEus ergo ex possibilibus novit, quænam sint impossibilia. III:do Alia vero est questione (de qua sic aliter judicandum,) *Num DEus contradictoria fingat, vel pro possibili amplectatur impossibile?* Hanc negandam esse postulat perfectissimus DEI intellectus, ab omni ejusmodi fictionis, ignorantiae & erroris nebula maxime immunis. II:do Quæ adulimus de præsenti argumento fana rationis & sanctæ Revelationis fana & sancta dictamina si agnoscere noluerint adversarii, eosdem ad scholas gentilium modeste ablegamus, ubi eandem doctrinam tradi & doceri audient. Pudor forsitan magis, quam argumentorum, a nobis & nostratis, allatorum vis, efficiet. Licit sexcenta possemus, nonnulla tantum adferemus eorum (gentiles loquor) de DEI *naturam* testimonia. SENECA (in

Epistola 83.) sic scribit: *Sic igitur vivendum tanquam in con-
spectu vivamus, sic cogitandum, tanquam aliquis in pectus inclo-
sum inspicere possit & potest. Quid enim prodest, ab homine
aliquid esse secretum. Nihil DEOclusum est. Interest animis
nostris, & cogitationibus mediis interveniat.* CAMBYSES (apud XENOPHONTEM in Hist. de Instit. CYRI L. I. p.
17.) Θεοὶ, inquit, ἀὲς ὄντες πάντα τὸν, τὰ γεγενημένα, νῷ
τὸν ὄντα, νῷ ὅτι εἰς ἐκάστα ἀνθῶν ἀποβήσοται. H. e. Dii, qui
semper sunt, NB. omnia sciunt, praterita, praesentia, & quid
ex quovis eorum (praesentium) futurum sit. THALES MI-
LESIUS (teste CLEM. ALEX. Strom. V. pag. 594.) in-
terrogatus a quodam: Εἰ λῆγοι θεοὺς ἀντεωπόροι ἀδικῶν?
(*Num lateat DEum homo injuste agens?*) Respondit: Αὐτὸν ἔδει
diabolούσθαι, h. e. imo ne cogitans quidem. HESIODUS:
(in Oper. & Dier. L. I.) ιδὼν Δίος ὄφελυδος, νῷ πάντα
νοίσσος; seu: *Oculus Jovis (DEI) omnia videt, & intelligit*
(ille) *omnia.* Illatio Meo, licet nullum id sit, judicio,
optima esset Theologiam & Revelatam & Naturalem tra-
stanti methodum, si, quinam, ex quavis in illis obvia ve-
ritate, fluunt usus practici, exponeretur, ne vel segnis,
vel imprudens lector, sola contentus Divinioris scientiae co-
gnitione, ibi subsistat, unde gradum facere deberet. Hinc
voluissem & ego, qua ratione hæc, de hocce S. Numinis
attributo, doctrina conducat ad vitam Theologicam, coro-
nidis loco indicare. Sed prohibent circumstantiae. Et,
quid attinet, doctos simplicem docere pietatem? Norunt hæc,
norunt alia bene multa. Sit tamen votis venia! Opto,
quotquot Musarum sacris operantur, gravissimum illud, quod
Luc. XII: v. 47. legitur, effatum recordantes, sic sua studia
instituant, ut pio carnalis sapientiae contemtu, verba PAU-
LI *Phil. III: v. 8, 9, 10.* & *I Cor. II: v. 2.* obvia, sua ju-
re facere possint. Animum ne despondeas, si conatum in-
terdura destitutus successus, sæpe namque hoc in omni vita
tentan-

tentandum, & sic s^epe retentatum, succedet aliquando. Quod ad me, mei legas characterem Phl. III: v. 12. En, inquis, Phariseum! Dicas, dicam & ego, votorum quæ sit causa. Scilicet, doleo, hacce matris (*terre*) & novercæ (*ecclesiæ*) nostræ cana & tristi senectute in utriusque eruditos filios optime quadrare hocce PAULI effatum: 1 Cor. I: v. 26 & 27. Ast mihi dolenti solatum est, quod doloris habeam socios, quamvis paucos. IV:to Ut e diverticulo in viam iterum redeamus, rogo, is, qui scire voluerit, quam immensa & stupenda sit DEI scientia, ea consideret, quæ, (taceo ceteros) adserit BAUMEISTERUS Inst. Metaph. p. 577, 578 & 579. Horum vero considerationi si diutius immoreris, stupore oppressus tecum & cum Apostolo dices: Ω βάζο ταλέται τῆς γνωστικῆς Θεοῦ, Rom. XI: v. 33.

§. XIX.

Post tot casus, post tot discrimina rerum, post denique tot hostium insultus, eosdem æquis pacis conditionibus terga nobis versuros esse sperramus, atque sic nos, quod justo bello intendimus, jure obtinuimus, DEum puta O. M. omnino esse omniscium. Promissum saltem servavimus, tentamen vindicarum ejus omnisciæ adorando, quod, qualecumque demum sit, tale ad minimum esse dicere audemus, ut, qui, a præjudiciis & cæco errantis rationis obsequio liber fuerit, a nostris partibus stare veritatem, facile intelligere queat. Errores, ceterosque, qui ubivis forsan conspi ciuntur, defectus, adscribat, amice & submisso oro, æquus lector & judex, temporis

poris maximæ angustiæ, infirmæ valetudini &
meo hebetiori ingenio tanquam præcipuis eorum-
dem causis. Αέχην, denique, απάντων καὶ τὸν ποιῶ-
μενόν φέρεν, sit τὸν θεῶν μόνον τῷφῶν καὶ τερπυγίων
δοξα εἰς τὸν παντανελατὸν πλούτον !!!

